



سيز ياخچى بيليرسيز كى من نئجه آي ديركى ميدانا گلميشم، اودا نه ميدان، انتخابات ميدانى. كى هر كسين ايشى ديور. البته داي ايندى ائله گورونوركى هر كسين ايشى اولا بيلرميش

سلاملار اولسون عزيز همشهري لريمه

سيز ياخچى بيليرسيز كى من نئجه آي ديركى ميدانا گلميشم، اودا نه ميدان، انتخابات ميدانى. كى هر كسين ايشى ديور. البته داي ايندى ائله گورونوركى هر كسين ايشى اولا بيلرميش.

گلندن برى، چوخلی طرحلرچکيب و يا قوللار وئرميشم، مجلسلر قوروب سؤز دئيميشم. آغساققاللار ايچينده اوجاق قورموشام. مجازی گروه لاردا عكس لريمى دال با دال قويموشام. آما هلهده كى هلهدى، ائوز سؤزومون اوستونده و ارام. هئچده قورخوم يوخدوركى بير گون راي گتيريب و نماينده اولسامدا. قوللاريمى يرينه يئيرمه سمد، عيبى يوخدى، بير مصاحبهده و يا بير سخنراينده، يري گوگى قاتيب، اوج بهانهين، تقصيرلري آتارام اونون بونون بونونا من خلاص. داي اوزوموز اولوب رحمتليك سارا خالانين دايانى كيمي. داي آياق داشيدا اونا اثر ائلهيمير. دونگه ده بوروق وئرمگه نه؟ قراريدى نفت مردومون سيفراسينا گله، گلمهده كى هئچ، نفت دكلى ده اولكهدهن گئتدى. بير نفر اوتانمادى، اودا من اوتاناچيام؟ بونلار منى يورمور چونكى هئچده چتين ديور بلكه منى يوران، بو قديمى پروژهلردى كى بيزه كئچميش دورهلردن ميراث قاليب. ميراثا قالنلار قوتارميرلار جانيميز راحتلاشا.

بونلاردان بيريده بو فيروزآباد_هيرو يولى دير. 27 كيلومتري توسياغا باشلاسايدى، ايندى سونا يئتيشميشدى. قوتاريپ قوتارماقاي بير طرفه، بو سؤال -جاوايى داي منى يوروب. بيرى گليب بو يولدان سؤروشاندا اول گرک بيلهسن هاراليدى .

دئسه هيروليام يا كى هيرودا دانيشاندا گرک ديم كى: دوزدى وعدهسى بول، چوخ گوزل بول. پيچى يوخ ، انى چوخ. خالالا لازيم، بوتون آذربايجان سرچم دن گلسين اولسون گيلانا عازيم. سيز منه راي وئرون، ايكي گونده اولسون حاضير، بو "خالخاليم"دا ناظير.

دئسه كيويلىام يا گديب كيويده دانيشاندا اوندا سؤز عوض اولوب گرک ديم: بو نه يول، چولاسى بول.
باغى يوخ، داغى چوخ. كيوى قيراقدا قالسين؟ قويمارام. مسافرى يولدا قالسين؟ دؤزمهرم.

سيز منه رأى وئرون، پيمانكارى مندندى، قاباقين آليب يولى كسرم. ايشى ياتيرديب ، كيوى يولون بزررم.

بويله جاوابلارينان كيوى هيرونى قاتيب اؤزومه رأى قازانيرام.

اوزوم اوزومه بيرى ائشيدمهدن اوخورام:

داش داشا ديرناخ داشا

سيز ساواشا من تاماشا

رايلىريم صانديقدا آشيب داشا، داشا

كيم جيغاز



کلیک کنید به کانال خلخالیم در تلگرام پیوندید